

DISSE^TAT^O CRITICA
DE
ORTU ET INCREMENTIS
LINGUA^E LATINA^E,

QUAM,

VENIA ORDINIS AMPLISSIMI PHILOSOPHORUM
AD AURAICUM INCLYTUM ATHENÆUM,

P. P.

JOHANNES GABRIEL LINSEN,
PH. MAG., LITTERAT. ROMAN. ADJUNCTUS,

ET

CAROLUS WILHELMUS SIREN,
WIBURGENSIS.

In Audit. Phil. die III Martii MDCCXIX,

horis ante meridiem solitis,

P. VI.

ABOAE, Typis FRENCKELLIANIS.

MAXIME REVERENDO ATQUE CELEBERRIMO VIRO,
PROFESSORI,
DIOECESEOS BORGOËNSIS ARCHIPRÆPOSITO,
S. S. THEOLOGIÆ DOCTORI,
DOMINO MAG. MAGNO ALOPÆO,

Ad quem, benignissimum juventutis suæ Moderatorem, non modo mentem doctrina, sensus moribus formatos, verum animum etiam, rerum angustiis presum & prope deficientem, sed sub-sidio, consiliis, adhortationibus erectum, obsstrictissimus desert, in pignus animi ob accepta beneficia æternum gratisimi, has pagellas sacras debuit, voluit

MAXIME REVERENDI ET CELEBERRIMI NOMINIS

Cultor humillimus

CAROLUS WILH. SIREN.

placuisse deserere loca, ubi tamdiu amavisset morari. Propius
multo veritati accidit, Silvii demum tempore, orta inter hunc
atque Julum contentionē, Albam fuisse conditam.

Tandem per anfractus flexuosos obscurissimae antiquitatis
eo pervenimus, ut, quinam Aborigines illi fuerint, pau-
cis commemorantes, disquisitioni huic de Linguae Latinæ ortu
finem aliquando simus inposituri. Poscit vero quandam men-
tionem ipsum illorum nomen: in cuius etymo investigando

H non

steriori illo tempus mutatae sedis respicitur. Ceterum Alscanium
quidem omnes appellant Albæ conditorem; non autem convenit,
uter Æneæ fuerit filius, ex Ilio patrem secutus, an minor in Italia
natus. Quamobrem Livius: "Haud nihil ambigam (quis enim rem
tam veterem pro certo adfirmet?), hiccine fuerit Alscanius (Laviniae
proles), an major, quam hic, Creusa matre Ilio incolumi natus,
comesque inde paternæ fugæ: quem Julum eumdem Julia gens
auctorem nominis nuncupat." L, I, c. 3. Nos VIRGILIUM sequen-
dum putamus.

*Ille, vides, pura juvenis qui nititur hasta,
Proxima sorte tenet lucis loca: præmus ad auras
Ætherias Italo commixtus sanguine surget,
Sylpius, Albanum nomen, tua postuma proles,
Quem tibi longævo serum Lavinia conjux
Educat silvis regem, regumque parentem:
Unde genus longa nostrum dominabitur Alba. Æn. VI, 760 sqq.*

non una cernitur singendi follertia. Mireris tamen, plurimos tam veterum quam recentioris ævi scriptorum ad eam descendisse opinionem, quod ista voce nulla propria significaretur gens, sed revera quæcunque ita vetusta, ut terræ suæ primigena & ultima habenda esse videatur (*h*). Aborigines itaque non nisi Græcorum esent Autochthones: homines ab origine h. e. a primo tempore terram quandam incolentes — primi ejus conditores. Scilicet summi Romanorum historici, Trogus, Sallustius, Livius, alios ut taceam, adeo linguae patriæ fuerunt rudes, ut turpiter pro gentis nomine haberent commune plane vocabulum. Quin & ipsius Varronis, etymologiarum magistri, hæc res fugit acumen. Haud scio, an nihil statuatur ineptius. Neque igitur unicum ad eam denominationem eruendam esse potuit hocce originationis tentamen. Alii, quibus gens diversa obtinet, appellatam Aborigines seu verius **A**berrigines putant, quia errones quidam & lare carentes ex multis confluxi locis ejus fuissernt auctores (*i*). Tertia etiam est conjectura, Græco nomine ex eo insignitam, quod in montibus quondam habitasset (*απὸ τῆς ἐν τοῖς ὄρεσι ὀκνήσεως*) (*k*). Quæ posteriores originationes saltem prioris illius in-

h) DIONYSIUS L. I. c. 10.

i) Idem l. c — FESTUS rei mentionem ita facit: "Aborigines appellati sunt, quia errantes convenerint in agrum, qui nunc est populi Romani: fuit enim gens antiquissima Italie."

k) Hæc etymologia Dionysio arridet: qui opinioni suæ de Aborigine

insulitatem reddunt promtiorem. Minime enim his umquam fuisset locus, si ejusmodi agnosceret loquendi usus vim vocis Aborigines, quam etymon illud a plerisque probatum ipsi affingit (*l.*). Quidquid igitur ii somnient, qui originem nominis hujus inquirunt, antiquam fuisse Aborigines in Italia gentem, non est quod dubitemus. Hanc autem quo jure Græcam putet Dionysius, jam quæratur.

Prætermittendum non est, scriptori illi non satis de ea re esse perswasum; dubitans enim bis constetur, se quorundam

Græca cognatione eandem convenire intellexit. L. I, c. 13. — "Quidam, inquit AUREL. VICTOR, tradunt, terris diluvio cooperitis pasim multos diversarum regionum in montibus, ad quos confugrant, constitisse; ex quibus quosdam sedem quærentes, pervectos in Italiam, Aborigines appellatos, Græca scilicet appellatione, a cacuminibus montium, quæ illi ore faciunt?"

- l)* Subtiliter A. W. SCHLEGEL a NIEBUHR dissentens: "Das Wort ist sprachwidrig gebildet: wie hieß denn der Singularis? ein *Aborigo* oder ein *Aborigon*? Das einfache *Origines* wäre schon unerhört als Benennung eines Volkes, sowohl der Benennung als des weiblichen Geschlechts wegen; das Vorwort macht die Sache nur schlimmer: man bedenke was *aboriri* und *abortus* bedeutet." Simil. vero effatur: "Es wäre wohl das beste, ihnen (*Aborigines*) als einen leeren Einbildung einmal für allemal dreist den Abschied zu geben. Vermuthlich verdanken sie ihr Daseyn dem Misverständnisse eines Griechen, der von Latinern gehört hatte, ihre Vorfahren hätten *ab origine da* gewohnt." Quæ omnino conjectura levitatem suam ipsa prodit.

dam Romanorum, in primis Porcii Catonis & Caii Sempronii, testimonio tantum adductum id opinari, neque sub alia conditione, quam si eorum vera est narratio (*m*). Hos vero & innumeros alios, pravo Graecæ doctrinæ studio imbutos, omnes patrias res, quemadmodum omnes mythos Italæ indigenas, fœdasse, sagacissime ostendit HEYNE (*n*). Neque Cato & Sempronius distinguebant, quæ Graeca natio Aborigines fuissent, ex qua urbe migrassem, quo duce itineris, quo tempore, in Italiam venissent, quibus denique ad patriam relinquendam impulsi casibus. Quæ adeo obscura (*o*) Dionysius percontatus, in animum induxit, esse nullos alias potuisse, — si grajugenæ fuerint — quam Graecorum illorum stirpis, qui Oenotro & Peucetio ducibus ex Arcadia profecti septendecim ante bellum Trojanum ætates Jonio trajecto sinu ad Italiam accessissent: unde huic nomen Oenotria. Sed multi profecto laboris non est, perspicere, istam coloniam nullam esse,

m) L, I, cc. II, 13.

n) Exc. IV ad *AEn*; VII. Ad rem hæc apposite sunt dicta: "Si forte mireris, quomodo his somniis tantum tribuere potuit antiquitas, recordandum est similis yanitatis, qua viri docti superiore ætate omnem veterem Italiam ex Hebraicis Lexicis (Phœnicia verba se tenere putabant) repetiere." — Notanda etiam sunt verba Dionysii: Ελληνικῶ μύθῳ χρησάμενος (Cato & Sempronius) εὐδένα τῶν τα 'Ελληνικὰ γράψαντων βεβαιωτὴν παρέσχοντα;

o) Τὸ μὲν ἀληθὲς ὄπως ποτὲ ἔχει, ἀδηλον.

esce. Jam ipsa vetustate sua evanescit. Cui enim probabile erit, quingentos fere annos (hæ XVII ætates, ut vulgo computatur, CCCCLIX annos conficiunt) ante Trojæ eversionem adnavigasse Italiam Græcos, cum tamen Homerū adhuc tempore vix esset hæc terra nota? (p). Merum autem habendum esse commentum, ex eo apprime elucet, quod secundum Catonem & Varronem Oenotrus rex fuit Sabinus (q): quorum auctoritatem confirmat Virgilius (r).

Re-

p) Quid? quod fide dignissimi vatis repugnat etiam testimoiiis. Omnino vera sunt, quæ dicit SCHLEGEL: "Die Arkadier wohnten im Innern des Peloponnesus, sie berührten nirgends die Küste, Homerus bezeugt ausdrücklich, sie hätten nichts mit dem Seewesen zu schaffen gehabt, deswegen habe ihnen Agamemnon seine eignen Schiffe zu der Fahrt nach Troja geliehen. Und dennoch sollen Oenotrus und Evander nach dem fernen Italien geschiffet seyn! So lasen die Griechen ihren Homerus!" Scilicet antiqui nimis tribuentes Romanis fabulis, quæ a Græcis fictarum non plane præ se ferre videbantur speciem, coloniam Evandri veriti sumus negare (supra p. 33); qua tamen in sententia diutius manere non possumus. Certius explorata re judicamus, sub isto commentitio hospite quoddam latere domesticum verum.

q) Cfr. HEYNE Exc. XXI ad Æn. I,

r) Æn. VII, 178 Re quidem apse poëta heic de Latinorum antiquis regibus fatur, neque Oenotrum nominat, sed tamen Italum, quem alii faciunt Oenotri filium. Virgilio autem is filius est Sabinus, qui gentis Sabinæ sine dubio fuit conditor. Videmus igitur, Latinorum & Sabinorum reges ab eo conjungi; quod pro-

Restat alia exquirenda Græca lingua loquentium in Italiam migratio, Pelasgorum, qui Deucalioneo tempore ex Hæmonia (Thesfalia) ejecti, hic illuc vagantes varias petiverunt terras. Quorum tamen maxima pars ad ostium Padi Spinetum fertur appulisse, & inde montanis Italæ locis superatis tandem ad regionem Aboriginum pervenisse, amice ab his excepta (s). Ex omnibus vero rerum Italicarum monumentis horum colonum famam æque tollendam esse, haud difficilius ostenditur. Hæc enim fabula ex eo est orta, quod gentem quandam Græcia habitantem, Tyrrhenos appellatam, cum Etruscis Italæ populo, qui Turseni (Tyrseñi) (t) domestico dicebatur nomine, scriptores — & quidem præcipue Hellanicus Lesbius (u) — confuderunt. Nam affert

Dio-

pter cognitionem gentium factum est. Appellat præterea Sabinum *vitisatorem*, quo movemur ad colligendum, totam de Oenotro fabulam interpretationi Græco istius epitheti deberi.

s) Dionys. I, cc. 17 — 20.

t) Dionysius ait Rafenæ ipsorum fuisse nomen (L, I, c. 30). In quo tamen necessario aliquod latet vitium, cum in tabula quadam Iguvina appellantur Tursei (Italica terminatione pro Etrusca Turseni), a Romanis vero Tufci. (Cfr. SCHLEGEL, p. 854). Originitus videntur se Tursenos nominasse, inde Tursenos: quod alii Italæ populi in Turscos & Tufcos, Græci in Tyrsenos, Tyrrhenos mutarunt. Cfr. HEYNE, Exc. III ad Aen. VIII.

u) Dion. L. I, c. 28.